



USAID
FROM THE AMERICAN PEOPLE

*PRO -
Budućnost*

OCRS
CATHOLIC RELIEF SERVICES



MAME DRUŠTVO GRADE

Glavni cilj je jačanje uloge žena u procesima pomirenja i povjerenja među različitim etničkim grupama u Mostaru i Nevesinju kroz poboljšanje psihološke i socio-ekonomske pripremljenosti trudnica iz rizičnih kategorija i njihovih partnera za porod kroz individualno i grupno savjetovanje i umrežavanje porodilja iz Mostara i Nevesinja.





ŽENE-POKRETAČICE POMIRENJA

Međusobno razumijevanje naroda ima važnu ulogu u jačanju društva. Značajnu ulogu u procesu pomirenja imaju žene majke. Pomirenje nije tema za koju je bitan spol, ali je činjenica da žene zbog svog emocionalnog faktora brže i bolje od muškaraca grade mostove pomirenja. Uloge koje žene imaju u procesima pomirenja su složene i odražavaju

višestruke uloge koje žene imaju u društvu. One uvijek imaju onu drugu, brižnu perspektivu, a briga za drugoga je jedan od glavnih faktora pomirenja. Ono što je bitno je da povjerenje krene iz baze, od svih članova društva, pa čak i onih najmlađih. Miran i dostojanstven život moguć je tek kao suživot u formi zajedništva i uzajamnog povjerenja građana.

TOLERANCIJA SE UČI



Odgaj i porodica najvažniji su čimbenici u procesu odrastanja. U porodici od malih nogu učimo društvene vrijednosti, norme, stavove o sebi i drugima te o društvu općenito pa shodno tome odgoj za nenasilje i toleranciju treba započeti već od prvog dana života. (Ne)tolerantno ponašanje može se podjednako lako i brzo usvojiti. Djeca već sa dvije i tri godine postavljaju roditeljima i važnim ljudima u okolini raznorazna pitanja. Ako su odgovori na ta pitanja odraz njihovih predrasuda, djeca će već u predškolskoj fazi prihvatiti te stereotipe i predrasude. Pozitivnom komunikacijom i međusobnim uvažavanjem obje strane osjećat će se bolje i izbjeći ćemo nepoželjna ponašanja koje nastaju pod utjecajem predrasuda.



DIJALOG-PUT POMIRENJA

Mir i pomirenje se može postići jedino tako da se zlo pobjeđuje dobrom, njegujući vrline koje promoviraju pomirenje, mir i solidarnost i težeći istini. Temeljno je da svi članovi društva rade zajedno, da svi imaju pravo glasa, prihvatajući jedni druge i učeći živjeti kao jedna porodica: različitost nije prijatna, nego izvor obogaćenja. Za uspješan dijalog potrebno je međusobno

upoznavanje, razumijevanje i poštovanje. Dijalog se mora temeljiti na otvorenom poštovanju uvjerenja drugih ljudi, koja se odražavaju u različitim oblicima izražavanja, praktikovanja i tradicija. Na taj se način otvaraju novi putevi za uzajamno poštovanje, saradnju i prijateljstvo, u različitim etničkim zajednicama.

PORUKE BUDUĆIH MAMA IZ MOSTARA I NEVESINJA



"Nije dovoljno samo govoriti o miru, čovjek mora vjerovati i raditi za njega."

"Oni koji su u ratu sa drugima, nisu u miru sa sobom."

"Prave pobjede su one dobijene u miru."

"Odgoj tolerantnog djeteta je naše najjače oružje."

"Pravo svakog djeteta je da se igra i živi u miru sa svom djecom svijeta."

"Bez mira nema bliskosti, bez bliskosti nema ljubavi, bez ljubavi nema sreće."

"Mir je kruna kojoj bi čovjek trebao težiti kao stanju svijesti."

Mir je ono što se iz

ljubavi rađa



Uz pružanje različitih znanja djetetu, porodica ima zadatak i socijalizirati dijete, omogućiti mu usvajanje normi i pravih vrijednosti koje su značajne za određenu društvenu zajednicu. Utjecaj globalizacije doveo je do multietničkih društava i sve veće raznolikosti te je pred porodicom sve veći izazov - razvoj tolerancije.

Poznavanje nečije kulture, vrijednosti i navika pospješuje tolerantno ponašanje, jer ono što je u određenoj kulturi prihvaćeno, možda u drugoj nije. Iz tog razloga važno je poučavati djecu od najranije dobi o primjerenim oblicima ponašanja, drugim kulturama i narodima kako bi se razvilo tolerantno ponašanje.

RODITELJI - UZOR

Budući da djeca uče posmatrajući osobe iz svoje okoline i na taj način usvajaju određene obrasce ponašanja, važno je od najranije dobi biti dobar primjer djetetu. Prije polaska u školu, dijete uči od roditelja koji utječu na njega jer su mu uzor.

Ovaj projekat implementira Udruženje mladih psihologa a podržan je od strane USAID-ovog projekta PRO-Budućnost implementiran od CRS (Catholic Relief Services) u partnerstvu sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzle, Helsinškim parlamentom građana Banja Luke i Međureligijskim vijećem u Bosni i Hercegovini.